

**OQAASERTALIUSSAT**

**Kontomut pingaarnermut 22.40.-mut**

Naalakkersuisut piginnaatinneqarput Amutsiviit Landskarsimiit 40 mio. kr.-inik siusinnerusukkut 20 mio. kr.-iusimagaluartunik tiguisarsinnaatissallugit.

**Kontomut pingaarnermut 26.-imut**

Naalakkersuisut piginnaatinneqarput Mittarfeqarfiit Landskarsimiit 40 mio. kr.-inik tiguisarsinnaatissallugit Mittarfeqarfiup ingerlatsinermut aningaasanik tigulertorneqarsinnaasunik pisariaqartitsilertarneranut matusissutissanik.

**Immikkoortunut pingaarnernut 35-imut 37-inmlu**

Namminersornerullutik Oqartussat inissiaataanni attartortit-takkani ineqarnermut akiliutip naatsorsorneqartarnera:

**1.1.1993-imit attartornermi akiliutit imatut naatsorsorneqartassapput:**

Illup nalinganut

akiliutissaq: Sananerata akiata 2,75%-ia, minnerpaamilli  
192,50 kr./m<sup>2</sup>/ukiumut, tassalu akiliutip  
minnerpaaffissaata nalinga kr. 7.000,-.

Ingerlatsinermut

matusissutissat: 180 kr./m<sup>2</sup>/ukiumut.

Illuni ilaqtariinnut ataatsinut inissiani kiisalu illuni affarleriinni ineqarnermut akiliutissaq tunngaviatigut malittarisassat taakku malillugit naatsorsorneqartarpoq, allaassutigali ingerlatsinermut matusissutissat annertussuserimmassuk 143 kr./m<sup>2</sup>.

Namminersornerullutik Oqartussat ineqarnermut akiliutit appar-tinnegarnissaat siunertaralugu qitornanut 18-it inorlugit uki-  
ulinnut inuit nalunaarsorsimaffianni inigisap adressiani nalu-  
naarsorneqarsimasunut arfinillit tikillugit amerlassusilinnut  
qitornanut ataatsimut 10%-imik tapiissuteqartarput.

1.1.93-imit inissianut iluarsarneqarsimasunut akiliutit imatut  
naatsorsorneqassapput:

1. januar 1993-ip kingorna inissianut iluarsarneqarsimasunut  
sananeranni aki tassaavoq akiliutip minnerpaaffissaa iluar-  
saassinerup aallartinneqarnerani atuuttoq, tassungalu ilann-  
gunneqarlutik iluarsaassinermi aningaasartuutit inissiamik ti-  
gussaasumik pitsaanerulersitsinermik kingunegartut. Inissiani  
ima amerlatigisunik attartorfiusuni iluarsaassineq immikkuua-  
luttukkaarlugu ingerlanneqartariaqartuni nutaamik naatsorsui-  
neq immikkualuttukkaarlugu pisinnaavoq.

Ingerlatsinermut matusissutissat  $m^2$ -imut kr. 180,-iupput.

1.1.1993-imit attartornerni immikkut ittuni attartornermi aki-  
liutit imatut naatsorsorneqartassapput:

Allaffissornermut inuutissarsiornermullu siunertanut:

Illup nalinganut akiliutigineqassaaq illup sananerani nalinga-  
ta 9%-ia, minnerpaamilli 630 , - kr./ $m^2$ /ukiumut, attartornermi  
akiliutip minnerpaaffissaa kr. 7.000,- aallaavigalugu.

Kulturimut isumaginninnermullu siunertanut:

Illup nalinganut akiliutigineqassaaq illup sananerani nalinga-  
ta 5,5%-ia, minnerpaamilli 383,- kr./ $m^2$ /ukiumut.

Ilaqtariinnut arlalinnut inissiani ingerlatsinermut matusis-  
sutissatut akiliutigineqartarput 170,- kr./ $m^2$ /ukiumut, illunili  
ilaqtariinnut ataatsinut inissiani illunilu affarleriinni na-  
jugallit ingerlatsinermut matusissutissanik akiliuteqarneq a-

jorput attartortup nammineerluni ingerlatsinermut aningaasartuutit tamakkerlugit akilertarmagit.

Ilaqutariinnut arlalinnut inissiani attartortup nammineerluni inissiap iluata aserfallatsaaliorneqarneranut aningaasartuutit akilertarpai, illunili ilaqutariinnut ataatsinut inissiani illunilu affarleriinni attartortup illup silataata iluatalu aserfallatsaaliorneqarnerinut aningaasartuutit naminineerluni akilertarpai.

Najugaqartunut siunertanut:

Najugaqartut sinniisaat, inatsisit naapertorlugit qinerneqarsimasut ineqarfinnilu sinniisuuffigisaminni najugaqartunut tamanut naatsorsuussanik ininik atugaqartut, tamatumunnga illup nalinganut, kiassarnermut ingerlatsinermulluunniit akiliuteqartassanngillat.

Immikkoortumut pingaarnermut 99-imut.

Naalakkersuisut piginnaatinneqarput suliffeqarfiit imminnut pigisut Kujataata Naqiteriviata Atuakkiorfiullu pigisaat nalillit tigussallugit, taakkulu aningaasaliissutigalugit ingerlatseqatigiiffinnut Nunatta Naqiterivia A/S-imut Atuakkiorfik A/S-imullu.